

Հավելված N 4

ՀՀ պետական եկամուտների կոմիտեի նախագահի
«05» հունիսի 2023թ. N 560-Լ հրամանի
05100010/20072023/00001883

ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
Երևանի մաքսային սպասարկման կենտրոն-մաքսատուն, վարչություն
(Մաքսային կանոնների խախտումը քննող ստորաբաժանման անվանումը)

Ո Ր Ո Շ ՈՒ Մ
/վարչական տույժ նշանակելու մասին/

«20» հուլիսի 2023թ.

ք. Երևան

Հայաստանի Հանրապետության ՊԵԿ Երևանի մաքսային սպասարկման կենտրոն-մաքսատուն, վարչության պետի տեղակալ Աղասի Աղայանս, քննելով «Քլին Էներջի» ՍՊ ընկերության (ՀՎՀՀ՝ 08913469, հասցեն՝ ՀՀ, Վայոց Ձորի մ., ք. Վայք, Շահումյան փող., տուն 62) տնօրեն Դավիթ Ղազարյանի (անձնագիր՝ 008812331, հասցե՝ ՀՀ, Վայոց Ձորի մ., ք. Վայք, Շահումյան փող., տուն 62) նկատմամբ հարուցված վարչական իրավախախտումների վերաբերյալ գործը,

Պ Ա Ր Զ Ե Ց Ի

«Քլին Էներջի» ՍՊ ընկերության անվամբ թիվ 05100010/230620/0034853 ապրանքների հայտարարագրով «Ներքին սպառման համար բացթողում» մաքսային ընթացակարգով հայտարարագրվել են ապրանքներ: Օրենքով սահմանված կարգով ԱԱՀ-ի վճարումը հետաձգվել է երեք տարի ժամկետով՝ մինչև 23.06.2023 թվականը, սակայն ընկերության կողմից ԱԱՀ-ի վճարումը սահմանված ժամկետում չի կատարվել:

ՀՀ ՊԵԿ Երևանի մաքսային սպասարկման կենտրոն-մաքսատուն, վարչության ՓՀ և ԳՀ բաժնի գլխավոր մաքսային տեսուչի կողմից 06.07.2023 թվականին «Քլին Էներջի» ՍՊ ընկերության տնօրեն Դավիթ Ղազարյանի նկատմամբ կազմվել է վարչական իրավախախտումների վերաբերյալ արձանագրություն՝ «Մաքսային կարգավորման մասին» ՀՀ օրենքի 318-րդ հոդվածի հատկանիշներով:

Վարչական իրավախախտումների վերաբերյալ գործի քննությունը նշանակվել է 20.07.2023 թվականին, ժամը՝ 10:15-ին, որի անցկացման վայրի և ժամանակի մասին Դավիթ Ղազարյանը պատշաճ կարգով ծանուցվել է, սակայն չի ներկայացել գործի քննությանը:

Վարչական իրավախախտումների վերաբերյալ ՀՀ օրենսգրքի 22-րդ հոդվածի համաձայն՝ վարչական տույժը համարվում է պատասխանատվության միջոց և կիրառվում է, նպատակ ունենալով վարչական իրավախախտում կատարած անձին դաստիարակել խորհրդային օրենքները պահպանելու, սոցիալիստական համակեցության կանոնները հարգելու ոգով, ինչպես նաև կանխել ինչպես իր իսկ՝ իրավախախտողի, այնպես էլ ուրիշ անձանց կողմից նոր իրավախախտումների կատարումը:

«Մաքսային կարգավորման մասին» ՀՀ օրենքի 318-րդ հոդվածի համաձայն՝ ներմուծման մաքսատուրքերը, հարկերը, մաքսային վճարները, մաքսային մարմինների

կողմից գանձվող այլ հարկերը, տուրքերը և վճարները սահմանված ժամկետներում չվճարելը՝ առաջացնում է տուգանք՝ **տասը հազար** դրամի չափով:

Այսպիսով, վարույթի նյութերով հիմնավորվում է, որ «Քլին Էներջի» ՍՊ ընկերության կողմից ՀՀ ներմուծված բեռը հայտարարագրվել է թիվ 05100010/230620/0034853 ապարանքների հայտարարագրով, որով առաջադրված ԱԱՀ-ի վճարումը հետաձգվել է մինչև 23.06.2023 թվականը, սակայն ընկերության կողմից ԱԱՀ-ի վճարումը սահմանված ժամկետում չի կատարվել, ինչով պայմանավորված ընկերության տնօրենի կողմից թույլ է տրվել «Մաքսային կարգավորման մասին» ՀՀ օրենքի 318-րդ հոդվածով նախատեսված իրավախախտում:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 214-րդ և «Մաքսային կարգավորման մասին» ՀՀ օրենքի 318-րդ հոդվածներով՝

Ո Ր Ո Շ Ե Ց Ի

1. «Մաքսային կարգավորման մասին» ՀՀ օրենքի 318-րդ հոդվածով նախատեսված վարչական իրավախախտում կատարելու համար «Քլին Էներջի» ՍՊ ընկերության տնօրեն Դավիթ Ղազարյանին ենթարկել վարչական պատասխանատվության՝ տուգանելով **10.000** ՀՀ դրամի չափով:
2. Որոշման մասին օրենքով սահմանված կարգով իրազեկել «Քլին Էներջի» ՍՊ ընկերության տնօրեն Դավիթ Ղազարյանին:

**ԵՐԵՎԱՆԻ ՄԱՔՍԱՅԻՆ ՍՊԱՍԱՐԿՄԱՆ
ԵՆՏՐՈՆ-ՄԱՔՍԱՏՈՒՆ, ՎԱՐՉՈՒԹՅԱՆ
ՊԵՏԻ ՏԵՂԱԿԱԼ**

ԱՂԱՍԻ ԱՂԱՅԱՆ

Որոշման օրինակը _____ հավելվածներով _____ էջերի վրա ստացա.

(իրավախախտում կատարած անձի անունը, ազգանունը, հայրանունը կամ ԿՈՄՍՈՒՄԱՆՏԻ անունը, ազգանունը, հայրանունը և լիազորությունը հաստատող փաստաթղթի տվյալները)

« _____ » _____ 2023 թ.
(որոշման օրինակի ստացման ամսաթիվը)

Ծանոթություն. Սույն որոշմամբ նշանակված փուլի գումարը ենթակա է վճարման Կենտրոնական գանձապետարանի № 900005024055 հաշվեհամարին 27 ծածկագրով:

Սույն որոշումն անբողոքարկելի դառնալուց հետո «Վարչարարության հիմունքների և վարչական վարույթի մասին» օրենքի 88-րդ հոդվածով սահմանված կարգով և ժամկետներում ուղարկվում է Հայաստանի Հանրապետության հարկադիր կարարումն ապահովող ծառայություն:

Եթե առկա են վերցված ապրանքներ, դրանք վերադարձվում են «Մաքսային կարգավորման մասին» ՀՀ օրենքի 335-րդ հոդվածով սահմանված կարգով և ժամկետներում: